

160.

# P R O


15

ABSENTE U. J. D. D. MARCO-ANTONIO ANDREACI  
CIVITATIS ASCULI

*APUD M. C. V. CAUSARUM CRIMINALIUM*

EXCUSATIO, NULLITATES,  
*Innocentiæque Purgatio.*





( III )

## J. M. J.



UM immerito ingenuus nimis, atque honestus  
Afculanæ Civitatis Adolefcens nomine D. Mar-  
cus Antonius *Andrecæ* de quopiam prætenfo  
falſitatis crimine fuerit inſimulatus, ac proin-  
de nullis admodum probationibus exiſtenti-  
bus, per Magnæ Curiz Tribunal fuerit ad-  
verſus ipſum contumaciale quoddam judicium

inſtructum, ne illius innocentia inanibus opprimatur ſig-  
mentis, quæ ſequuntur nullitatum Capita orani reveren-  
tiz cultu proponuntur, ut minitata rigidiffima Capitalis  
ſententia contra abſentem, quæ de more dicitur *forjudicationis*,  
pro nunc impediatur; atque exinde miſerrimi illius ado-  
leſcentis incolunitati opportune conſulatur.

Sed præmittendum erit, quod nonnunquam vulgus, coecus  
ille, ac prope falſus rerum æſtimator, autumat, grande  
perſæpe in judiciis Rei abſentiam præbere facinoris ar-  
gumentum; ideo forſitan, quod quia pavidus, idcirco  
criminis conſcius ille videatur. Sed ſi accuratius aliquan-  
tulum hic rem expendere fas erit, illico plane adpare-  
bit, ut plurimum illos, qui ſeipſos alicujus facinoris  
inſimulatos ſentiunt, non utique ob criminis conſcien-  
tiam, ſed potius ob innatum, inſitumque quendam pa-  
vorem Tribunalis Majestatem, atque Magiſtratus præ-  
ſentiam perhorreſcere ſolere. Et hic extra aleam haud  
erit Plautinum illud, tam frequenter in Scholis, atque  
in Foro uſitatum repetere: *Nefcis tu, quam meticuloſa  
res ſis ire ad Judicem?* Ea quippe humanæ imbecillitatis  
eſt conditio, ut non tam æquitatis, quam poteſtatis il-

A 2

lo-

(IV)

lorum, qui iudicio præfunt reo ut plurimum in mentem veniat: discriminis enim proximitas, & magnitudo, horridis sane, tetricisque imaginibus eidem ante oculos potius ponit quid possit is, cuius in ditione, ac potestate, vita, fama, atque fortunæ ipsius sunt constitutæ, quam quid debeat facere.

Et sane non immerito, ut testis est Plato, Alcibiades nonnunquam dicere solitus erat, stultum sane fore illum, qui accusatus, tum effugere posset, quærat potius absolvi, & judicari. Hæret equidem in iudiciis magna quædam dubietas, & ambigui cujusdam eventus anxietas, quæ fortissimi cuiusque animum ægris usque afficit curis, ut ei vix quiescendi spatium tribuatur. Infestum etenim paucorum testium odium, & simultas; falsaque quædam invisi accusatoris criminatio sæpiissime sufficiunt ad miserrimum aliquem innoxium damnandum.

Quare cum satis sit omnibus exploratum, nihil esse capitalibus iudiciis incertius, utpote quæ in occultis aliorum factis perscrutandis consistunt, ideoque facillime ob iudicii festinationem turpiter accidit, ut reus absolvarur, & innocens condemnetur; eumque nemo possit in dubium revocare, quin hæc inter omnia quæque gravia iudicia primum sibi vindicent locum; in his nempe hominum fama, fortuna, & demum vita ipsa ut plurimum in discrimen adducitur, quid mirum, si quis innocens licet, & omnino criminis expers, cum videat se, ob alterius nequitiam, atque calumniam, gravis alicujus flagitii insimulatum, ac perinde carissima sibi quæque, ac pretiosiora hujus humanæ vitæ bona, & forsitan vita ipsa in periculum adducta, sibi, suæque innocentiae maturo propemodum consilio providere satagat?

Sed operæ pretium erit, ut ad nullitates absolvendas sermo progrediatur.

( V )

**P**rima nullitas ex defectu corporis delicti probationum originem sumit. Cum etenim hominibus nusquam majori opus sit studio, atque opera, quam in capitalibus judiciis exercendis, iisque præsertim, quæ contra absentes inaudito, indefensoque Reo, Naturæ lege dolente, peraguntur: hinc sequitur, ut sedulo cavendum sit iis, qui in sublimi judicandi dignitate sunt elati, ne in miserrimis innoxiiis condemnandis inconsulto quandoque prolabantur: quod interdum evenire haud ambigitur, si in summis probationum capitibus perscrutandis, iisque magno labore perpendendis, cunctis quisque viribus curam omnem atque omne studium non adhibeat.

Quod eo magis in *forjudicationis* sententia promulganda evenire nemini dubium esse potest, utpote quæ in gravioribus tantum criminibus, iisque demum, in quibus vindex constituitur gladius, locum sibi vindicat. Immo nec sola gladii poena ad hanc proferendam sententiam sufficit, namque illæ flagitii probationes, atque hujusmodi sceleris argumenta requiruntur, ut penitus Reus convictus videatur, nec Judici amplius dubium sit, quin ille facinoris auctor extiterit.

Sed & neminem fugit, duplicis esse rationis criminum probationes. Prima, quæ dicitur *in genere*; altera, quæ dicitur *in specie*. Illa nempe efficit, ut crimen commissum fuisse constet, hæc, ut de auctore innotescat. Interea tantum abest, ut recte *forjudicationis* sententia in hoc judicio interponi possit, ut etiam genericam criminis probationem nullam & invalidam esse, factis, & argumentis luce clarioribus adpareat.

**P**er Regium Fiscum adseritur, D. Marcum Antonium *Andreaci* juvenem, qui vix tunc ex ephebis excefferat, dum mense Julii anni 1760. Civitatem Foveæ obiter teneret, indeque Neapolim versus foret breviter discessurus, sibi institum fuisse per D. Priscum *la Fragola*, ut fasciculum quendam scripturarum D. Matthæo *la Fragola* ejus filio hic degenti adferret, inter quas sorte duæ Argentariæ Mensæ

( VI )

Syngraphæ fuisse dicebantur, eidem D. Matthæo cum aliqua temporis restrictione cessæ, ne scilicet, si Syngraphæ disperderentur, posset ab inventore pecunia extrahi. His positis prætenditur, quod idem D. Marcus Antonius hic perventus præfatum fasciculum D. Matthæo *la Fragola* tradere neglexerit, imo juvenili urgente necessitate ab eo syngraphas prædictas extraxerit, necnon eas aliis nomine prædicti D. Matthæi cesserit, atque acceptam pecuniam in proprios usus erogaverit.

Interea, quamvis id, si forte factum fuisset (quod equidem non fuit) nullo dolo, atque in nullius damnum factum esse videretur, sed potius ex errore, & teneræ adhuc ætatis imprudentia, credens nimirum, id sibi permissum ex familiaritate cum ipsis *la Fragola*, eoque scilicet animo, ut illico eidem pecuniam restitueret, quod eodem quasi temporis momentum fuit peractum; attamen nescitur, quo fato hujus non veri, adsertique facti fallacissimus rumor ad aures cujusdam Scribæ M. C. pervenerit; a quo protinus cupida lucri mente occasio fuit excepta, atque id effecit, ut justitiæ ministerio adhibito, judiciarius cursus super hujusmodi fabellæ instructione designaretur, vel potius ut continuo pecuniam sibi parandi modus præberetur, quamvis postmodo ab ejus in alterius primi ordinis Scribæ manum causâ volitarit. Nihil interea ipsimet D. Marco Antonio de occulto hoc procedendi modo constitit, nisi postquam exacto jam processu, prima fuit inde edita citatio. Hinc in tam gravi vitæ, & libertatis ejus discrimine, ob rigidissimum jam conceptum contumaciæ judicium, non aliter absentis defensionî erit providendum, nisi sedulo totius processus examine, per ea tantum, quæ è Capituli tenebris adparere potuerunt, sive justitiæ, sive procedendi ordo præferatur.

Quapropter, ut initium a probationibus, quæ circa corpus delicti versantur, sumatur, extra aleam haud erit ejusdem hic Capituli verba repetere. *Es cum proinde fieri deberet comparatio giratorum falsarum facturarum a di-*

## ( VII )

a dicto D. Marco Antonio Andreace in citatis duabus fideibus credidi, oportebat pra oculis habere alios veros, & authenticos caracteres ejusdem D. Marci Antonii Andreace, ab enunciato Domino Judici de Alexandro die decimo octavo disti- mensis Octobris scripta fuit epistola Gubernatori Curiae dicte Civitatis Asculi, quod pronuntiasset alios caracteres, & subscriptiones in forma valida super illi D. Marco Antonio Andreace, & transmissas, sicuti ab eodem Gubernatore transmissae fuerunt quatuor scripturae authenticae, & originales indubitatorum caracterum dicti D. Marci Antonii Andreace, videlicet tres cum illius subscriptionibus tanquam vestis, & una inservans scripta, & potest in dicta Curia videri caracteris, & manus dicti D. Marci Antonii Andreace, cum quibus scripturis facta deinde comparatione praescripta in dicta M. C. Vicaria Delegata ad recursum magnifici Procuratoris Fiscalis ejusdem, praecedente decreto subscripti Domini Judicis de Alexandro: a magnificis Actorum Magistris D. Michele Angelo Caizzo, & D. Michaele Angelo de Vito, isti cum eorum relatione in scriptis sub die decimo octavo sequentis mensis Decembris retulerunt enunciato Domino Judici de Alexandro, quod tam duae ultima girata sistentes in perscripta fide crediti ducatorum quinquaginta Banci Spiritus Sancti distantes. E per me li pagarete al Signor D. Marcantonio Andreace per altri tanti -- Matteo la Fragola -- E per me per altri tanti Marcantonio Andreace: quam ultima girata apparens in enunciata fide crediti ducatorum biscentum septuaginta Banci Sancti Eligii distans. E per me li pagarete per altritanti -- Matteo la Fragola, & subscripto distans -- Marcantonio Andreace a r. esse scripta manu, & caracteribus dicti D. Marci Antonii Andreace.

Ex quibus Capituli verbis adparet, unicam, & pone solam probationem, quae super hoc crimine pretensae falsitatis haberi potuisset, ex characteris, atque scripti collatione procul dubio esse sumendam. Praedicta autem collatio omnimode nulla de jure est habenda, utpote quae super quibusdam privatis chartulis fuit confecta. Nam,

quam-

( VIII )

quamvis Asculi Gubernator, has procul dubio a D. Marcantonio *Andreaci* subscriptas fuisse adfirmare ausus fuerit, nescitur tamen, qua religione, qua animi constantia, qua denique veritate possit id tam libenter in Capitali judicio adseverari pro firmanda *forjudicationis* sententia, cui indubitatae probationes, & luce meridiana clariores requiruntur. Quam autem probationis vim asferre unquam poterunt incertae quæpiam, ac privatissimæ scripturæ, non ex publicis Argentariorum Mensis extractæ, neque ex authenticis Notariorum Schedis productæ, sed forte a Localis Asculi Curie Gubernatore huc missæ, cum præsertim ignoretur, quisnam amicus, an potius inimicus ipsimet Gubernatori eas tradidisset? Eoque magis, quod, ut fama refert, idem ille Localis Gubernator Doctor D. Josephus Antonius *Ricciotti* eidem D. Marcantonio, integræque ejus familiæ infensissimus, atque inimicus extiterat, sicuti ex legitimis documentis suo tempore perhibendis demonstrabitur: præterquam quod ipse idem Gubernator ridiculo pene vanitatis, atque ambitionis afflatu elatus videtur, cum in sua quadam responsiva epistola, quam Domino Judici, & nunc Regio Consiliario meritissimo D. Johanni ab Alexandro conscripisse dicitur, sibi quædam nimis speciosa *sui soliti zelus* cognomina tribuerit.

**S**ed tandem, quænam sint hæ tam celebratæ scripturæ, ex quibus in hoc contumaciali judicio corpus delicti probari prætenditur, & quam probationis vim sibi harum unaquæque obtineat, dispiciendum. Inauditum etenim est prorsus in Foro, ut super hujuscemodi chartulis *forjudicationis* sententia firmari velit, atque ex his tam infirmis conjecturis hominis vita, libertas, atque fama in discrimen revocari.

Harum igitur prima ( quinque etenim in M. C. exhibitæ dicuntur ) est instantia quædam, sive supplex libellus in Locali Curia Asculi porrectus nomine actualium tunc temporis ejusdem Civitatis Ædilium, quam D. Marci Antonii *Andreaci*



## ( IX )

*Andreaci* manu conscriptam fuisse nullis aliis argumentis prætenditur, nisi vigore attestationis cujusdam Tabellionis post biennium confectæ. Sed quidnam hic Tabellio ad rem deponere dicitur? Nihil aliud, nisi scilicet, se bene D. Marcum Antonium *Andreaci* pernosse. Quid autem ad rem hæc depositio? Quidve proderat personam nosse ad characteris identitatem testandam? Nonne dilucide perspicitur, quam nimis proprio muneri hic defuit Tabellio? debuerat etenim non personam, sed characterem ipsius *Andreaci* cognoscere; si id nempe fieri poterat post non breve biennii spatium, quo elapso præfata attestatio fuit peracta. Secunda scriptura ejusdem naturæ ac supradicta habetur. Tres autem reliquæ sunt quædam prætensæ ejusdem *Andreaci* subscriptiones, qui tamquam testis in eisdem scripturis suum subscripsisse nomen adferitur: sed quomodo hæc quoque subscriptiones ejusdem *Andreaci* fuisse probantur? non aliter, nisi ob alias testationes ejusdem illius Tabellionis, qui etiam post biennii lapsum testari haud dubitavit, eas ejusdem *Andreaci* manu fuisse exaratas, ob eandem scilicet causam; quod ipse illum bene noverat. Sed quod magis in hac re mirum est, idem iste Tabellio, non solum *Andreaci* subscriptiones, sed & subscriptiones quamplurium aliorum testium pro certis adseverare post biennium ausus est, quia scilicet iidem illi testes ibi subscripti erant ipsi perquam bene cogniti. Oh probationes perquam dilucidas, atque perspicuas! Oh integrum, atque omni fide dignum Tabellionem, qui equidem inter integerrimos, atque omni suspicione majores non immerito est collocandus!

Hæc sunt omnino cunctæ, totæque in hoc judicio corporis delicti probationes, quas tanti pendere M. C. autumavit, ut per easdem contra hunc innoxium juvenem acerbissimam forjudicationis sententiam interminari minime dubitavit. Ecquis autem tam vecors, tamque fux mentis impos potest inveniri, qui juris, legumque sanctionibus perpensis, atque pervolutis, non videat,

deat, hanc forjudicationis sententiam a M. C. minitaram nullum omnino locum sibi posse vindicare, ac proinde illico ab hoc contumaciali judicio esse superiendum?

**A**D hanc etenim teterrimam sententiam proferendam, non utique conjecturæ, non indicia, atque argumenta, non denique ulla sufficit levis probatio, sed requiritur omnimode, ut reus sit de facinore perquam aperte convictus, illæque ipsæ luce clariores probationes huc debent concurrere, quales in mortis sententia proferenda desiderantur. Quid enim inter se forjudicatio, atque ultimum supplicium differunt, cum illa nempe sacrum hominem, in quem fertur, efficiat, proindeque cunctis ipsum necandi undique pateat libertas?

Quomodo igitur recte poterit infelix hic juvenis ad forjudicationem damnari, cum non solum de infimulato crimine non sit convictus, sed nequidem indiciatus dici possit? Quippe tota penitus probatio, quæ a comparatione ipsius *Andreaci* characteris dependet, nullius est momenti, utpote quæ omnino fallax debet existimari. Ita etenim omnes interpretes (a) hunc casum firmant, atque concludunt, quod quando scilicet producitur scriptura, quæ dicitur a *Cajo* scripta, & testes, qui non fuerunt præsentibus cum scriberetur, examinantur, & deponunt, illam scripturam de manu *Cai* esse conscriptam, cujus manum notam habent, hoc casu comparatio ista nihil probat, & est ratio, quia facile possunt manus similitudine falli.

Hic prope est casus præsens, nam Notarius adfirmat, se nosse supradictam instantiam ab *Andreaci* esse conscriptam. Sed quid hac probatione fallacius, etiamsi recte peracta fuisset? Quidve characterem excogitari potest mutabilis?

Hoc

[a] *Menoch. de arb. jud. cas. 114. num. 22. Ad. Aret. conf. 64. Affist. decis. 181. in fin., qui sic decisum in S.C. refert, quod etiam refert, & Grammat. decis. 84., Dec. conf. 615., Zaf. lib. 4. num. 7., & Joseph Ludovicus decis. 7. qui alios quamplures commemorat.*

## ( XI )

Hoc valde Justinianus Imperator innuit (a), cum ait : *Litterarum quidem dissimilitudinem saepe tempus facit, non etenim ita scribis quis juvenis, & robustus, ac senex, & forte tremens : saepe etiam languor hoc facit, & quidem hoc dicimus, quando calami, & atramenti immutatio similitudinis per omnia aufert puritatem.* Sic Justinianus. Experientia autem quotidie comparatum est, probationem hanc quæ fit per litterarum comparisonem nimis esse incertam, atque periculosam, cum multi reperiantur ita alterius characterem imitantes, ut nulla prope differentia internoscatur. Sveronius (b) testis est, Titum ita quæcumque vidisset chirographa imitari solitum fuisse, ut perquam difficillime aliquod notari poterat discrimen. Idem refert, & Zasius (c) de quodam Monacho, qui suo tempore vixerat. Non aliam igitur ob causam in ejusmodi probationibus innumeras cautiones, atque solemnitates jura requirunt; contenduntque in hac comparisonem perficienda Judicem oculos lynceos habere opus esse. Sed hæc etiam omnino procedit dubietas, cum comparatio ista de jure, & juris ordine servato peragitur, ideoque Justinianus (d) probationem hanc in aliarum defectu reservavit, quid autem erit dicendum, cum comparatio supradicta absque solemnitatibus, quæ de jure requiruntur, facta sit?

**D**ictum est jam supra cujusmodi sint scripturæ, ex quibus in hoc judicio characteris comparatio peracta est; quinimo perspectum jam est, eas non solum publicas non esse, sed etiam fallaces admodum, atque suspectas videri. Quomodo igitur ex his ullam haberi posse probationem existimabitur, cum præcipue jura omnino requirant, comparisonem hanc ex publicis, authenticisque scripturis esse conficiendam? Perspicua sane, nulla-  
que

[a] *Novel. 73. in præfat.*

[b] *Suet. in Tit. cap. 5. in fin.*

[c] *Zas. lib. 2. resp. cap. 25.*

[d] *Dist. Novel. 73. cap. 7.*

que interpretatione indigens est Imperialis quædam Sanctio (a), ubi Justinianus ad hanc rem in hæc verba rescribit: *Comparationes literarum ex chirographis fieri, & aliis instrumentis, quæ non sunt publice confecta, satis, abundeque occasionem erimini falsitatis dare, & in judiciis, & in contractibus manifestum est: ideoque sancimus, non licere comparationes literarum ex chirographis fieri, nisi trium testium habuerint subscriptiones, ut prius literis eorum fides imponatur, & tunc ex huiusmodi chartula iam probata comparatio fiat; aliter enim comparisonem fieri nullo concedimus modo, licet in semetipsum aliquis chartam conscriptam proferat. Sed tantummodo ex forensibus, vel publicis instrumentis, vel ex huiusmodi chirographis quæ numeravimus, comparisonem trutinandam. Huc usque ad rem Justinianus. Quidquid addunt præterea interpretes, non tam ad confirmandam, quam ad ampliandam hanc juris dispositionem vertitur. Bartolus enim hoc loci ultro contendit, ne quidem fieri posse comparisonem ex ea scriptura, quam quis in iudicio iussu iudicis scripserit. Bartolum sequitur Zasius (b) alique, quos hic enumerare non est necesse. Quomodocumque enim se res habeat, illud equidem extra aleam positum est, quod cum assumuntur aliæ scripturæ ad hanc literarum comparisonem perficiendam, hæc sane scripturæ, ex quibus comparatio sumitur, debent esse certæ, ac veræ illius, qui asseritur scripsisse scripturam contentiosam. Et hæc sane certitudo, ut Justinianus supracitata l. *Sancimus*, & ut omnes conveniunt Interpretes, duobus modis habetur. Primo, si illæ scripturæ sint publicorum instrumentorum ipsius manu conscriptorum, ut innuunt illa ejusdem legis verba: *sed tantummodo ex forensibus, vel publicis instrumentis*. Secundo habetur hæc certitudo, quando illæ scripturæ habent trium testium subscriptiones, qui omnes affirmant, & demum in iudicio deponant, illas scripturas*

(a) *Leg. 20. C. de fid. instrum.*

(b) *Zasf. 2. respons. 25.*

( XIII )

ras ab illo se presentibus fuisse conscriptas ; atque ita ex verbis ejusdem illius legis statuitur, scilicet : *Ideoq[ue] sancimus non licere comparationem literarum en cbiographis fieri, nisi trium testium habuerint subscriptiones (a)*.

**N**on solum autem scripturarum solemnia, ex quibus corpus delicti firmari prætenditur, in hoc judicio absunt, ideoque minitata *forjudicationis* sententiâ nullo modo recte proferri potest; sed modus etiam, quo comparatio prædicta fuit peracta, satis, abundeque ejusdem ipsius sententiæ invaliditatem demonstrat. Jura etenim peculiariter requirunt, quod Periti, antequam ad comparationem deveniant, jurent omnino, quod comparationem faciunt, non lucri causa, neque inimicitiiis, aut aliqua gratia stimulati, ut sancitum invenitur in eadem supracitata Justiniani Sanctione (b). Ibi : *Omnes comparationes non aliter fieri concedimus, nisi juramento antea præstito ab his, qui comparationem faciunt, quod neque lucri, neque inimicitiiis, neque gratia tenti, hujusmodi faciant comparationem*. Ubi Bartolus, & Baldus, omnisque Interpretum multitudo docent, jusjurandum hoc esse necessarium, & si negligatur omnino comparationem esse nullam (c). Sed in comparatione characteris D. Marci Antonii Andreaci, quæ a M.C. facta est, neglectum omnino fuit a Peritis, ut fama refert, hujusmodi jusjurandum, ergo nulla de jure habenda est comparatio supradicta, utpote quæ contra tam dilucidas legum dispositiones fuit peracta.

Nec obstat quod Regens de Rosa (d) contendere videtur, cum obiter, & quasi oscitanter testatus est, stilum, seu potius usum in M.C. inolevisse, quod tales scilicet com-

B

pa-

(a) *Menoch. de arb. Jud. cas. 114. num. 29. Adde quæ scriptis Constantinus Harmenopolus in juris promptuario lib. 1. tit. 9. rub. de schedis privatis: sed suis sententiam hanc probat, atque firmat Joseph Ludovicus dec. 7. num. 10.*

(b) *L. 20. C. de fid. instrum.*

(c) *Vid. glos. in L. si quidem C. de excep.*

(d) *De Rosa Resol. 13. num. 32.*

parationes fieri sint solitæ per Magistros Actuarios absque jurisjurandi solemnitate ; nam præterquod ipse solus novæ propemodum istius opinionis est auctor , adterior , atque testis , nullumque penitus vestigium in Ritibus ipsius M. C. , vel in Pragmaticis , ullave alia Municipalis Juris parte inveniatur ; accedit præterea & illud , quod nulla potest praxis in Foro firmari , quæ directè communis juris sanctionibus adversetur , ut equidem esset ista , quæ a laudato Regente de Rosa memoratur : nam quid aliud est , Magistros Actuarios sine jurisjurandi religione ad comparisonem perficiendam accedere , nisi injuratis testibus fidem præstare ? Et quid porro absurdius , quam in capitalibus judiciis testes injuratos admittere , et super eorundem fallacibus ut plurimum dictis , alterius capitis discrimen fulcire ? In his etenim comparationibus perficiendis Magistri Actuarii , atque id generis omnes , tantum ut testes peritissimi audiuntur , ut docet Clarissimus Vir , atque omni laude major Jacobus Cujacius (a) Nec sufficit , ut perperam præcitatus Regens de Rosa opinatur , quod isti in principio Officii jusjurandum præstaverint ; hujusmodi etenim peritiæ non continentur sub generali clausola *de bene , ac fideliter suum munus administrando* : & hoc tantum locum habet in iudiciis , nam absurdum sane foret , toties ipsos ad jusjurandum adstringi , quoties de qualibet controversia definienda ageretur . At non eadem ista ratio locum sibi vindicat in Actuariis , Scriniariis , Præfectianis , Magisterianis , aliisque id generis literarum collatoribus , qui , ut dictum est , tantum ut testes in ejusmodi comparationibus perficiendis sunt habendi , & proinde prius jurare debent , se non sordide , nec inense , nec gratiose quidquam in illa comparatione admissuros , sed bona fide collaturos , & quod ipsis videretur Judici relatueros . Iudex namque omnium peritissimus debet existimari , & ipse solus potest

[a] Cujac. ad Leg. comparationes C. de fid. instrum.

(( XV ))

rest ad hanc comparationem perficiendam accedere, ut docuit Baldus (a), aliique quamplures.

Sed, si quis exemplis hanc potius quaestionem definire exoptaverit, non erit abs re Medicorum, atque Chirurgorum comparatione rem definire, quos nemini dubium est, iurejurando adstringi, antequam ad aliquam peritiam de vulneribus, aut ictibus alicui inflictis perficiendam accedant. Quod utique exemplum omnino cum casu, de quo agitur collimare, atque eodem prope gressu ambulare videtur; nam sicuti Chirurgis de vulneribus inspicendis, utpote hujusmodi in rebus perquam expertis, ita etiam Magistris Actuariis de characterum collatione, tamquam in hoc usu, & exercitatione perquam doctis, ut plurimum peritia injungitur trutinanda. Et tamen nihil Medicis generale juramentum in laurea accipienda praestitum in ejusmodi peritiis prodest, sed omnino, ut dictum est, peculiare requiritur semper ab eis juramentum, alias etenim nullae eorundem peritiae existimantur. Quod & in Magistris Actuariis, & in aliis id generis literarum collatoribus eadem pene ratione locum sibi vindicare, satis dilucidum, atque perspicuum equidem est. Sed de hoc jam satis.

Illud nunc demum hic obiter addendum, quod, cum supradictae legum Sanctiones in civilibus etiam causis procedant, quo magis sibi locum in capitalibus judiciis debent vindicare, in quibus non de tigno jungendo, neque de legato petendo, sed de vita, fama, fortunisque hominum plerumque agitur? Quae cum sint omnibus carissima, cunctisque bonis preciosiora, quid tam ab humanitate sejunctum, quidve durius potest effingi, quam ut per hujusmodi invalidas probationes hominis vita in discrimen adducatur? Quid etenim literarum comparatione incertius, ubi leges innumeras cautiones, & solemnitates requirunt ad tam incertum, tamque periculosum experimentum perficiendum? Quapropter cum in hoc judi-

[a] Bald. in d. L. comparationem C. de fid. instrum.

cio omnia juris solemnia in literarum comparatione longe lateque absint, nihilque aliud prope inveniat, nisi perennis quaedam incertitudo, ac dubietas, atque mirabilis juris & ordinis perturbatio, nescitur quid amplius obset, quominus irrita jam facta *forjudicationis* sententiae minitacione, tandem hic miserrimus D. Marcus Antonius *Andreaci* quam citissime sit ad suos Penates revocandus?

**S**ecunda Nullitas ex defectu probationis, quæ dicitur *in specie* originem sumit. Etiam si per idoneos testes, atque per tabulas de admisso facinore constitisset, hæc probatio nullo modo prorsus valeret, atque nullius esset momenti, nisi & illa etiam accederet, quæ *in specie* dicitur, & qua Judici innotescit quisnam admissi criminis fuerit auctor, atque patrator. Hinc colligere est, quod harum probationum altera sine alterius subsidio nihili pendet, & duarum altera per se ad aliquem damnandum nequidquam proficit. Sunt denique talis ambæ, atque ejusmodi naturæ, ut tunc demum alterius capiti, atque fortunæ lugubres, & luctuosæ habeantur, si pariter aliquando conjunctæ videantur. Quæ cum ita sint, sufficere equidem deberent quæ admodum in superiori capite fuerunt memoratæ, utpote ex quibus dilucide procul dubio adparet probatum sane neutiquam fuisse, an suppositum falsitatis crimen vere fuerit admissum, nec ne. Ex qua equidem ratione promanat, quod cum ab hoc judicio duarum, quæ fuerunt supra memoratæ, probationum alteram longe, lateque abesse, sit demonstratum, omnimodo hanc ob causam miserrimus hic D. Marcus Antonius *Andreaci* ab infumato crimine est absolvendus. Ideoque omnia, quæ hic ad rem adjungi poterunt, superflua atque inutilia essent existimanda. Sed quia non tantum illud hic agitur, ut nempe præfatus *Andreaci* a crimine absolvatur, sed etiam ut ejus innocentia omnibus, & singulis undique pateat, idcirco ut pro-



( XVII )

propositum obtineatur consilium, non abs re equidem erit singulas hic rationes recensere, ex quibus adpareat nullius esse penitus momenti in hoc judicio etiam probationem illam, quæ dicitur *in specie*, atque hunc proinde juvenem, innoxium omnino esse, insimulatique facinoris inscium, & ignarum.

**D**ictum est jam supra in præcedenti capite quid Regius Fiscus in hoc contumaciali judicio obtendat, & quam levia, atque inania sint fundamenta, super quibus tam atrocem, atque rigidam sententiam construere velit. Nunc ne alibi jam dicta huc repetantur, extra aleam haud erit mentis acumine perspicere, quomodonam per Regium Fiscum probetur, D. Priscum *la Fragola* scripturarum fasciculum, ut prætenditur, huic D. Marco-Antonio *Andreaci* tradidisse, & quibusnam testibus, aut argumentis demonstretur, in illo eodem fasciculo enunciatas Argentariæ Mensæ syngraphas extitisse, quas prædictus *Andreaci* in suos erogasse usus insimulatur. Quamobrem ante omnia ipsius capituli verba præ oculis habenda: postquam illum (idest fasciculum) *consignavisset* supradicto D. Marco-Antonio dixit, quod in eodem fasciculo *compositæ* erant scripturæ prædictæ cum enunciatis duabus *fidelibus* crediti, *ascendentibus* in dictam summam ducatorum 3201 monens, quod accurate steterisset, illum penes se conservare, & statim pervento in hac Capitali *consignavisset* supradicto D. Marthæo ejus filio, sicut idem D. Marcus Antonius promissit facere.

Ex his equidem Capituli verbis nullo prope modo adparet, an præfatus scripturarum fasciculum vere, & procul dubio prædicto *Andreaci* fuerit traditus, & an in eodem prætensæ Argentariæ Mensæ syngraphæ fuerint permixtæ? Quamobrem quomodonam id Regius Fiscus poterit unquam huic recte obtendere? Quis detulit, quis testis adest, quæque hujus traditionis probatio? Inficiari equidem non potest, quin in hujusmodi contumacialibus judiciis obscure satis cuncta in defensionibus agantur,

tur; idcirco nimirum, quia licitum nullo modo est acta percunctari, atque fiscalium probationum capita penitus præscire. Quod in hoc præsertim judicio accidit ob nimiam, vulgatamque Francisci *Jovene* hujus causæ Scribæ observantiam, atque inurbanitatem. Sed his tamen non obstantibus nil vetat, quominus ab ipsius Judicii circumstantiis, cujusnam ponderis atque generis sint fiscales probationes possit conjectari, quapropter haud erit ab hac causa alienum (nam & causæ magnitudo id maxime flagitat) quod ea, quæ magna jam adhibita diligentia, atque examine, præsciri unquam potuerunt, perpendantur, videaturque an ejusmodi sint momenti, ut recte super his forjudicationis sententia possit firmari.

Nulla alia igitur probatio prætensæ fasciculi traditionis pro parte Regii Fisci habetur, nisi, ut fertur, depositio ipsius principalis D. Prisci *la Fragola*, eundem scripturarum fasciculum D. Marco Antonio *Andreaci* se tradidisse adferentis, in quo duæ enunciatur existebant Sygraphæ; additque præterea, se nequidem eas ipsimet *Andreaci* ostendisse, ut equidem ad sui propriam cautionem facere debuisset. Quomodo igitur prætensæ Argentariæ Mensæ Sygraphæ repeti unquam ab *Andreaci* poterunt, quoties nullo legitimo modo constat, eas fuisse ipsimet *Andreaci* traditas? Et quo nunc modo probari unquam poterit, ipsum eas in proprios usus erogavisse, si penitus non apparet eas reapse accepisse? Et quis securos unquam iudices reddet, quod (etiā si plane enunciatus fasciculus traditus *Andreaci* fuisset) prætensæ apocæ in ipsomet essent inclusæ? Fiscus adserit sic depositum fuisse ab ipso D. Prisco *la Fragola*. Sed quid ad rem talis depositio? Poterit ne pro concludenti probatione hujusmodi circumstantiæ haberi? Et ipsemet in proprio facto poterit fidem mereri, eamque scilicet fidem, quæ in judicio capitali valeat? Et hoc tam leve indicium, probatio ad legis sensum dici poterit? Ipse idem est in hoc judicio principalis offensus; & quamvis inceptam accusationem jam de-

## ( XIX )

deferuisset, attamen nusquam poterit pro integro fidelique teste haberi, semperque inter illos connumerabitur, quos leges peculiariter tamquam suspectos nullo modo in judiciis capitalibus admittunt. Quippe nonnunquam hujusmodi facta iracundiæ, atque indignationis nonnulla vestigia in animis hominum ut plurimum relinquunt. Sed esto: pro integro fidelique teste habeatur sane. Quid ergo? Ipse idem unicus, atque solus super hoc indicio deponit, semperque illud fuit exploratum, quod ad probationem cujuscunque facinoris unius vox linguæ non sufficit, neque solius Agentis verbis idem factum obiciatur, & probatur: quomodo ergo hic fidem inveniet, quoties ex legum clarissimis ubique dispositionibus unus testis non est audiendus, *etiamsi præclara Curia honore perfulgeat* (a). Quod cum etiam locum habeat in causis civilibus, in quibus pecuniaria duntaxat jurgia definiuntur, eo magis observari debet in criminalibus, in quibus de vita, atque fama alterius decernitur. Præterea eadem hæc legum Sanctio, & æquitate naturali roboratur, & auctoritate Sacrarum Literarum (b) munitur, unde sequitur, nequidem Principum Constitutionibus, qui legibus soluti sunt, hoc immutari unquam posse: recteque a Sapientissimis viris jam responsum, ne Xenocrati quidem, Aristidi, aut Catoni, aut si qui integritatis laude illustrior, credendum esse, si unicus fuerit in aliquo judicio testis.

**S**ed age nunc: singulæ quæ supersunt probationes excutiantur. Dictum est jam supra, nusquam probatum fuisse, D. Priscum *la Fragola* scripturarum fasciculum *Andreaci* tradidisse, & etiamsi tradiderit, extra dubium haud esse, an prætensæ Argentariæ Monsæ Sygraphæ in illo fuerint insertæ; videndum nunc quid esset statuendum si constaret, eas vere prædictum *Andreaci* accepisse. Porro ne hoc quidem casu sequeretur, quod Sygraphæ fue-

(a) *L. iusjurandum* 9. *C. de testib.* & *L. Marius* 20. ff. *de quest.*

(b) *Dent.* 7. *vers.* 6., & 19. *vers.* 15.

fuerint ab ipso *Andreaci* in proprios usus conversæ. Quis etenim affirmavit, quisve Judicem instructum reddidit, ipsum *Andreaci* eas D. Matthæo la *Fragola* hic degenti non tradidisse, & ab hoc, ut patrem deluderet, characterem fictum non fuisse? Vel etiam ipsas Syngraphas prædicto *Andreaci* subreptas non fuisse, & ab alio inventas, eorumdem subscriptiones non fuisse confictas? Sed hic excutienda Capituli verba: *Ibique perventus* ( hanc Urbem intelligit ) *vice consignandi dictum fasciculum Scripturarum prædicto D. Matthæo la Fragola*, existimavit illum penes se tenere, & aperire ad finem furandi ambas dictas fides crediti prædictis D. Prisco, & D. Matthæo la *Fragola*, illasque prævia falsitate expendere, & sibi appropriare dictam summam. En igitur quomodo intus hominum cogitationes pro indubitatis factis adseruntur. Verbum illud *existimavit* fatis cunctis demonstrat qua certitudine, & qua animi fiducia omnia in hoc contumaciali iudicio sint peracta. Porro nequidem tanta cum securitate hoc affirmaretur, etiamsi quamplurimi adstiterent testes, qui propriis oculis conspexissent D. Marcum Antonium *Andreaci* scripturarum fasciculum aperientem, & Syngraphas ex eodem subrahentem, publice suum evulgasse propositum, velle illas nempe in proprios usus convertere: cum econtra nec testis ullus, neque ulla alia de hoc iudicialia existat probatio. Quapropter illud sane pro certo nunc habendum, omnia quæcunque conspiciuntur in eodem Capitulo somnia, atque delirationes, nullis prorsus probationibus, atque argumentis, ac ne suspicionibus quidem fulciri.

Sed quæ sequuntur Capituli verba nunc perpendenda: *Dictus D. Marcus Antonius Andreaci in ambas dictas fides crediti fecit, & scripsit temere, & dolose ejus manu, ac charactero giratas falsas sub nomine, & cognomine præfari D. Matthæi scilicet &c. procurans imitare verum illius characterem*. Hæc omnia, quæ hic enunciantur nulla equidem alia probatione nituntur, quam illa, quæ ex supra jam enunciata

at-

## ( XXI )

atque examinata characteris comparatione haberi potest. Sed de hac jam ad fastidium usque supra peractum est; perspectumque, quam irregulariter, atque contra juris ordinem fuerit executum. Nam ceterum ex nullis hoc potest testibus probari. Ubi enim sunt, aut esse poterunt, qui hujusmodi somniis pondus aliquod addere ullo modo possint? Quinimmo cum in Capitulo dicatur, quod fecit, *O' scripsit semere, O' dolose*, & inferius: *procurans imitare verum illius characterem*, hoc directe omnino adversari videtur his, quæ in characteris comparatione observata fuisse dicuntur: quippe, si verum, & indubitatum foret, hunc *Andreaci* characterem D. Matthæi la *Fragola* imitari conatum fuisse, hoc equidem casu suum proprium characterem ita deformare debuisset, ut nullo modo a Periti recognosci postea potuisset; & quamvis illa subscriptio vestigium aliquod characteris ejusdem *Andreaci* servavisset, attamen quia, ut Fiscus obtendit, ad imitandam alterius manum, character fuerat deformatus, procul dubio Periti, qui ad comparationem accesserunt, animadvertere hanc deformationem debuissent, & super hactam considerabili circumstantia suum judicium deponere. Isti autem de hac nihil adjiciunt, quamquam tam necessario, tamque perspicue hæc adulteratio adparere debuisset; eoque magis, quod ipse D. Matthæus la *Fragola* (ut ajunt) eum eidem *Argentariæ* Mensæ apocæ fuisset ostensæ, deposuit suum ipsius characterem bene porro fuisse imitatum, atque confectum. Quamobrem, cum Reginus Fiscus obtendat, quod D. Marcus Antonius *Andreaci* characterem D. Matthæi la *Fragola* imitari conatus fuerit; & cum (ut supra dictum est) alterius character imitari nullo modo possit, nisi proprius compellatur, atque deformatur; illud consequitur, quod deformatio hæc perspicue sane conspicientibus adparere debuisset, & longe melius illam Periti supradicti debuissent animadvertere, atque recognoscere. Cum autem de hac ipsimet in suis depositionibus nusquam fuerint locuti, illud equidem extra dubitationis aleam possi-

positum est ; quod cuncta Periti supradicti in comparatione perficienda ( utpote qui injurati ad eam accesserunt ) sine religione, atque debita rectitudine peregerunt, ac proinde omnia quæ illic enunciantur, longe lateque a vero aberrare.

**Q**uæ cum ita sint, id potius probabilius, atque facilius videtur, ipsum D. Mattheum la *Fragola* suum proprium characterem deformasse ; ut sibi pecuniam omnem vindicaret, patremque deciperet, illud nempe ajendo, quod alius suam subscriptionem effinxisset, ac proinde pecuniam ex *Argentaria Mensa* extraxisset. Quod a verisimili nequaquam aberrare videtur, si ipsius ætas, atque circumstantiæ perpendantur. Quid etenim adolescentia, quid effrænæ cupiditates in hac tam deliciosa Urbe, atque diviti in hominum animis non possunt? Imberbis ille adhuc adolescens, filius familias, atque ex propriis Penatibus disjunctus facile indomitis poterat vesaniusque cupiditatibus obsequi, quarum illecebris senescens ætatis consilium, atque gelida canities solet etiam ut plurimum blandiri.

**A**liz nunc quæ sequuntur circumstantiæ excutiendæ. En quomodo sese habent Capituli verba, respectu unius ex prætensis corruptis sygraphis, illius nempe ducatorum *quinquaginta*: *Er factis dictis falsis giratis, quia nequibus dictus D. Marcus Antonius Andreaci expendere citatas duas fides crediti in prædictis Bancis Sancti Eligii, & Spiritus Sancti, quia tunc orant dies feriani in Curia, & dictus D. Priscus in giratis prædictis posuerit enunciatam conditionem ne solverentur ante diem octavum dicti mensis ; eapropter citatus D. Marcus Antonius erga diem quintum, aut sextum dicti mensis Augusti se contulit in domo lusoria nuncupata del bigliardo della galera, sita in platea nominata di Nardones, ubi sistedbat D. Johannes Zunica Tenens Coronellus Serenissimi Principis Hispaniarum D. Philippi, commorans prævio permissu in hac Capitale, cui exhibuit subscriptam fidem crediti ducatorum quinquaginta, petens, ut illam com-*

masasset in pecunia numerata, quia curcham dies feriat?  
 Et si ante quod ipse D. Johannes cognoscebat dictum D. Mar-  
 cum Antonium Andreæ, Et audiverat dicere in variis con-  
 versationibus esse eundem, hominem probum Civitatis Asculi,  
 non habuit difficultatem commutandi dictam fidem crediti in  
 tantas uncias sicilianas, quas tunc habebat super ejus persoa-  
 nam. Ex allatis Capituli verbis existimabit forsitan ali-  
 quis, quod de hoc facto concludens quædam sane proba-  
 tio pro parte Regii Fisci habeatur, & quod omnia su-  
 pra jam enunciata a nonnullis forte oculatis testibus fue-  
 rint confirmata; sed quantum præsentiri unquam potuit,  
 omnis quæ huc adducitur probatio, ad actum seu atte-  
 stationem quandam a causæ Scriba confectam restringitur,  
 in qua a supradicto Scriba adseritur, se apud enuncia-  
 rum D. Johannem Zunica Vice-Tribunum Serenissimi Re-  
 galis Principis Hispaniarum, & Parmensis Ducis fecerit  
 tulisse, atque ex ore ejusdem Zunica hujusmodi factum  
 ipsimet fuisse narratum. Perspicuam sane, atque mini-  
 me dubiam probationem! Et quomodo unquam poteris  
 substinere, simplici Scribæ dictum ad probandum hujus-  
 modi factum sufficere? Equis nescit, quod testibus, &  
 non testimoniis credendum (a). Cum nec unquam cuiquam  
 que vel dignissimo, atque integerrimo testi creditus, nisi  
 ipsemet antea iurjurandum præstiterit? quod cum a Go-  
 stantino jam fuisset sancitum (b), fuit etiam peculiariter  
 inde a Justiniano confirmatum (c). Quæ omnia tunc sibi  
 porro locum vindicare, si præfatus Vice-Tribunus sua  
 sub-

[a] L. idem Divus 18. ff. de Testib.

[b] Iurjurandi religio testis priusquam perhibeat testimonium, jam-  
 dudum auctoritate præcipimus. L. 9. C. de Testib.

[c] Nec audiantur nisi quinque testes idonei, & summa, atque inte-  
 gra opinio præsto fuerint solutioni celebrata, hique cum sacramenti religione  
 deposuerint, sub præsentia sua debitum fuisse solutum L. 18. C. de testib.

Adde clarissimi viri Antonii Matthæi auctoritatem, qui ad rem sic loqui-  
 tur: porro antequam testes testimonium dant, jurare de veritate dicenda de-  
 bent, nec injuriatis creditur. Matth. ad Lib. 48. Digest. tit. 15. Cap. 4.  
 num. 6.

subscripsisset manu illam, de qua agitur, attestationem; hoc etenim casu esset obijciendum, quod *testibus*, & non *testimoniis* credendum. Sed longe aliter se res habet; attestatio etenim supradicta ne quidem a præfato Vice-Tribuno videtur subscripta; sed tantum a causæ Scribæ tanquam delatore eorum quæ audierat est exarata, quod quidem, ut neminem fugit, nullum penitus indicium efficit, sed tantum viam Judici ad inquirendum aperit. Præterquamquod, cum unus hic sit omnino testis, etiam si ipse deposuisset, atque iurjurandum præstitisset, nequidem hoc casu indicium ad quæstionem habendam faceret, ut constitutum ex comunis juris sanctionibus invenitur (a) Concludendum igitur, nihil penitus hanc Scribæ attestationem ad hoc factum probandum proficere.

**Q**Uapropter videndum nunc, quænam alia probatio respectu alterius apocæ ducatorum *biscentum septuaginta* habeatur. Igitur ante omnia Capituli verba erunt perferenda: Cum præfatus D. Marcus Antonius Andreæ se consulisset in postlo Josephi Caleca permutatoris monetarum sito in platea nominata di S. Maria della Nova, exhibuit eidem Josepho Caleca enunciatam aliam fidem crediti ducatorum *biscentum septuaginta*, & ait eandem illi misisse D. Vincentius Bruni filius Illustris Ducis Casalæ Fractæ parvæ ad finem permutandi; & permansens in dicto postlo Gratia Caleca mulier literata filia enunciatæ Josephi &c. In arduis cunctanter, & sensim, ut adagium vetus est. Autumat fortè Regius Fiscus, proculdubio, illum qui ad syngrapham commutandam accessit, D. Marcum Antonium Andreæ fuisse; cum potius illud facillius videatur, quod Capituli auctor tanquam pro minime dubiis suspiciones penitus longinquas commonstrare voluerit. Et porro quidquid ex abditis actorum præseiri usquam in hoc contumaciali iudicio licuit, omnis penitus probatio tantummodo restrin-

gi-

[a] Cum, unico teste producto, de ancilla habita fuisset quæstio, illicite habitam Imperator pronunciavit L. maritus 20. ff. de quæstion.



## ( XXV )

gitur ad quasdam Josephi, & Gratiz Caloca patris, & filiz depositiones, cui Gratiz nescitur quam ob causam præclarum literatæ cognomentum adjicitur, ex eo forsitan, quia scribendi artem callebat. Sed quid sodes hæ depositiones probant contra D. Marcum Antonium *Andreaci*? Cognitus erat hic forsitan illis? Aut sciebant quisnam ille esset, cujusnam Civitatis fuisset, aut in qua Urbis hujus parte degeret? aut potius aliquis fide dignus ipsos hujusce conditionem docuerat? Nihil horum penitus: ipsi nihil aliud adfirmant nisi quod syngrapha ducatorum biscentum septuaginta fuerit eisdem a quodam homine exhibita; sed eorum proprio vernaculo sermone excutiantur voces: *mi fu esibita* (de syngrapha loquitur) *da un uomo giovine ben vestito, con perucca in testa, e spada a lato, che vedendo forse riconoscerei*. Sic ipsi testes pater, & filia se deposuisse vulgavere: fides sit penes ipsos, si aliter se res habeat; sed nunc ita se rem habere credidisse prodest. Quapropter super hujusmodi haud inverisimili suppositione hic animadvertendi occasio præbetur, illum scilicet hominem illiusmodi cultu instructum, coma scilicet adscititia, & ense præcinctum, quemcumque fere alium, quam ipsum *Andreaci* esse potuisse: hoc etenim ornatu cuncti propemodum innumerabiles hujus Urbis Cives uruntur quotidie; atque hodiernis moribus, in quibus plane illud occinere Satyrici non erit abs re: *comune id vitium est: hic vivimus ambisiosa paupertate omnes*, (a) etiam fabri, sutores, cunctique fere hujus generis humiliores artifices habitu, cultuque corporis nihil ut plurimum illis impares inambulare solent, qui & nominis fama, & Majorum imaginibus, & divitiis denique illustriores habentur. Ex quibus equidem adparet, nequaquam ex testium verbis constare, juvenem illum bene ornatum hunc miserum *Andreaci* potius quam alium quemcumque esse potuisse.

C

Quod

[a] *Juven. Sat. 3.*

Quod si & ulteriora perpendantur ipsorum verba, nimirum, *quod illum juvenem revisuri forsitan eum recognoscerent*, nonne satis, abundeque habetur, ipsos illum penitus non nosse, & revisuros non sine magna quadam hæsitazione eundem fore agnituros? Verbum illud *forsitan* nonne utique illorum ambiguitatem, atque incertitudinem perspicue nimis ostendit? Quo equidem casu quam veritatis religione potest unquam Fiscus ipsi *Andreaci* hoc facinus obtendere, quoties nullus testis ipsum cognovisse deposuit? Et plane semper eadem hac incertitudine in hoc judicio laborabitur, nisi prius legitima fiat inter eundem, aliosque sui consimiles a testibus recognitio, prout usus Fori, atque Praxis in hujusmodi casibus omnino fieri flagitat. Antequam igitur ad talem deveniantur recognitionem, quomodo poterit absque nota manifestæ propemodum injuriæ, *forjudicationis* sententia promulgari; quod fere idem est, ac ultimi poenam irrogare supplicii; ubi nulla alia adfertur probatio, quam incertissima quædam, & quæ vix indicariæ nomen mereri videtur? Nam nec vere tunc indicaria diceretur probatio: indicia quippe ut bene probata dicantur, oportet, ut a duobus omni exceptione majoribus testibus deponentur: atqui hoc casu ab homine, & a muliere hæc circumstantia fuit relata, non bene potest igitur probata dici, cum nunquam mulieres convictivam probationem faciant, etiam si mille deposuisse dicantur.

**S**Ed, ut ad propositum redeatur; si forte infelix hic D. Marcus Antonius *Andreaci* defessus jam, atque defatigatus per longinqua, atque devia amplius itinera vagandi, & cupiens se, suamque innocentiam ab hac injusta accusatione purgare, ultro se in Magnæ Curie Tribunali offerret, ibique cum ad judicarium cursum procederetur, & supradicta fieret ipsius inter Consimiles legitima comparatio, ipse penitus a supradictis testibus non recognosceretur, quid amplius de hujusmodi judicii exitu erit eidem timendum? Nonne continuo

## ( XXVII )

totum hoc capitale iudicium per seipsum omnino rueret, ideoque ob probationum defectum, ad liberationem, quæ dicitur in *forma*, erit procul dubio deveniendum? Et si ad hujus Rei instantiam nova perinde characteris fieri deberet comparatio, aliique peritiores collatores, cum literarum dissimilitudinem, & characteris differentiam diligentius aliquantulum animadverterent, & jurisjurandi religione adstricti, deponerent tandem, prætenſas apographarum subscriptiones nullo modo a D. Marco Antonio *Andreaci* conscriptas fuisse, nonne tota hæc judiciaria informatio illico procul dubio vanesceret, ac proinde miserimus hic hujus insimulati criminis innoxius continuo adpareret? Quo equidem casu tota actorum moles, quæ contra hunc ipsum ex nimia Scribæ sedulitate fuit conglutinata, esset potius, ut fomes fumoso tradenda camino, quam ut regularis publici, capitalisque iudicii processus existimanda.

**Q**Uapropter donec liquide, & absque omni dubitatione clarescat, ignotum illum hominem, qui ad syngrapham commutandam accessit, hunc D. Marcum Antonium *Andreaci* fuisse, nunquam poterit hic recte tanquam auctor prætenſarum subscriptionum nequidem per suspicionem haberi. Imo etiamsi convictiva hic adesset probatio, quod eidem prætenſæ Syngraphæ fuissent traditæ, (quæ scilicet probatio, ut dictum est longe abest.) nequidem etiam tunc illud certo haberetur, ipsum eas, ut prætenditur, commutasse. Idque præsertim ex hoc argumento, quod eidem minime opus erat ulla se falsitate ad pecuniam percipiendam uti, utpote qui ex diviti, atque opulenta nimis familia erat prognatus, ac proinde nullo modo alienis substantiis egebat; ex quo consequitur, quod benigniorem in factis opinionem sectando, (ut ubique iura faciendum esse docent) tunc illud potius esset existimandum, quod ipse prætenſas deperdidisset syngraphas, quæ ab alio postea inventæ, fuissent proinde istius nomine commutatæ. Igitur præter alias innumeras probationes,

( XXVIII )

nes, quæ in hoc judicio desiderantur, deficit & causa criminis (a), quæ non utique exilis, parvique ponderis, sed ex indiciariis probationibus facile maxima usque adhuc fuit habita. Et porro nemo per libidinem, atque oblectamentum ad atrocia unquam devenisse crimina præsumitur, nisi prius maxima, ac prope incredibilis quædam probetur hominis improbitas, ut de audacia illius L. Veratii hominis egregie improbi memoria proditum est (b), qui ob delectamentum os hominis liberi colapho percutiebat, & postea a servo XXV. asses eidem numerari jubebat, quæ erat colaphi pæna ex Legibus XII. Tabularum constituta. Quæ quidem improbitas facile non est in quoquo homine præsumenda; & etiam si præsumatur, ad illa tamen crimina, quæ probri, atque infamiz notam inurunt (inter quæ falsi crimen maxime adnumeratur), nunquam aliquem impellere posse credendum est. Exploratum idcirco satis habendum est, hunc per oblectamentum ad falsitatis crimen perpetrandum se inducere nullo modo potuisse. Quam igitur ob causam suam ad hoc induxisse animum insimulabitur? Inopia forsitan aut egestate? Atqui paululum ante jam dictum, quod hic opulenta nimis ex familia ortus, amantissimo sui patre, atque minime avaro dotatus, minima penitus rei familiaris egestate laborabat. Nulla etenim alia in Aesculana Civitate familia, ut fama est, tantum facultatibus, atque possessionibus abundat, ut istius divitiis, atque opibus ullo modo possit æquiparari. Quod confirmatum porro videtur ex his, quæ deinde ab hujus patre, atque patruo non multo postea fuerunt peracta. Ut etenim D. Ciriacus *Andronici* ejus pater, & patruus D. Vitus duram nimis atque atrocem istius criminationem sensierunt, continuo, ne miserrimus hic adolescens falsificus syngrapharum corruptor contumeliose nimis diceretur, integrum

ter-

[a] Sic vita hominum est, ut ad maleficium nemo constat sine spe, atque emolumento accedere. Cic. pro Rosc. Amer.

[b] Gel. L. 20. Cap. 1.

## ( XXIX )

tercentum , & viginti aureorum vim ipsi D. Prisco la *Fragola* numeraverunt, licet certo scirent , nullam penitus probationem de hoc insimulato crimine existere . Quod quidem nullam aliam ob causam fuit peractum , nisi scilicet , ut cognosceretur , neminem unquam ex ipsorum familia pecuniæ inopia laboravisse .

At quia nonnulli ex hac spontanea solutione contra hunc miserum reitatis argumentum retrahere velle videntur , nihili pendentes , quod alienum factum nunquam ignaro cuique potest obesse ; idcirco operæ pretium erit per pauca hic ad hujus capitis finem adicere , ne ulla unquam possit contra eundem suspicionis umbra penitus superesse . Huic igitur minime solutionem prædictam existimabitur nocuisse , simul ut consideretur , eam a suis amantissimis conjunctis ipso penitus inscio fuisse factam , qui ex metu judiciaræ inquisitionis præter modum conterriti remanserunt . Quapropter continuo omni qua potuerunt alacritate curaverunt , ut D. Prisci la *Fragola* questus pacarentur , atque penitus conquiescerent . Quæ quidem summa horum hominum integritas , atque honestas magni debet absque dubio pensari ; nam cum sit meretriculosa nimis res ire ad judicem , ut alibi dictum est , & nonnunquam id non sine magna famæ , atque fortunarum jactura soleat evenire , quid mirum si pater nimium hujus nati studiosus , atque sollicitus , eundem ab injusta hac vexatione relevare conatus sit ? Ut igitur incertum hujus facti rumorem sensuit , ignarus , an unicus hic ipse natus , atque hæres aliqua acerbissimi fati inclementia forsitan vectus , ab avita ingenuitate , atque virtute deflexisset , an potius inane murmur , & mendax omnino sermo fuisset ; provide nimis , atque consulto id illico facere cogitavit , quod prudens quisque , atque honestissimus paterfamilias in hujusmodi casibus procul dubio peregisset . Fama erat , D. Priscum la *Fragola* , ( ut ipse preferebat ) huic D. Marco Antonio *Andreasci* duas enunciatas syngraphas tradidisse , quas nonnulli ab eodem in

itinere deperditas fuisse distabant . Deterimus autem quisque, non quidem deperditas, sed corruptas, atque exinde commutatas ab ipso suspicabatur . Vagus primum atque incertus rumor, mox credula fama inter infensos, atque gaudentes percrebuit; itaut interea, quomodocumque se res haberet, aut syngraphæ deperditæ potius fuissent; aut corruptæ, atque exinde commutatæ, ut infensus quisque distitabat, infelix hujus adolescentuli pater semetipsum ad hanc pecuniam persolvendam omnino adstrictum autumavit.

Quæ cum ita sint, cumque nimis, ut dictum est, vulgatum sit illud, quod alienum factum non potest incio cuique nocere, quis amplius obtendet, enunciatam solutionem ullo modo huic obesse debere? Camque ipsius conjuncti pacatam omnino vitam vivere cupientes, id multifarie obtinere pertentaissent, quomodo supradicta solutio ab eisdem peracta, poterit huic unquam nocere, qui etiam si ipse illam perfecisset, nec ideo ex eadem ullo modo teneretur?

Hujusmodi penitus sunt potiores, quæ ex actis habentur probationes, ut ex capituli inspectione potest retrahi: quidquid amplius in eisdem conscriptum invenitur, atque ex auctoris diligentia elucubratur, potius ipsius facultatem, atque habilitatem ostendit, quam probationem aliam in hunc miserum infirmulatum concludat. Quæ igitur hæcenus dicta sunt ad probationum defectum in hoc *Contumacialis* judicio demonstrandum sufficiant; neminem etenim fugit, urgentissimas requiri probationes ad absentes inauditos damnandos, eosque a naturali defensionis jure demovendos.

Actum jam supra de corporis delicti defectu; characteris etenim comparatio ab injuratis Peritis, atque super incertis admodum scripturis contra legum dispositionem fuit peracta: deficit præterea probatio, quæ dicitur in specie, cum homo ille, qui se ad commutandas apochas contulit, cognitus omnino a testibus non fuit, ut satis abunde

de

## ( XXXI )

de supra jam dictum est : quin imo , ut etiam memoratum , causa criminis penitus deest : hic enim adolescens ex diviti , familia genitus aliena pecunia neutiquam egebat . Quid igitur concludendum ? Aut factum totum hoc fictitium equidem , atque commentitium est , & nunquam hic tales syngraphas a D. Prisco la *Fragola* recepit ; aut plane si recepit , eas absque dubio deperdidit , quæ postea ab alio inventæ , corruptæ deinde fuerunt , & postea in illius usum conversæ .

Uapropter quomodo recte poterit contra hunc miserum innoxium ad *forjudicationis* sententiam deveniri absque legitimis probationibus , atque urgentissimis indiciis , quæ in hujusmodi judiciis desiderantur ? *Forjudicationis* etenim , & mortis sententiæ pari prope gressu ambulant , ac proinde illæ ipsæ luce clariores probationes (a) in *contrumacialibus* judiciis , ac in mortis sententia proferenda desiderantur . Quin imo in hoc judicio , majores , atque evidētiore probationes requiruntur , nam *forjudicationis* sententia *abbreviato anni circulo* fuit huic misero minitata ; quo equidem casu non sufficiunt urgentissima indicia , quæ de jure municipali ordinarie ad *forjudicationem* desiderantur (b) ; sed requiruntur illæ omnino probationes , quæ ad mortis sententiam promulgandam sufficerent , si reus forte fuerit præsens ; prout decisum a Collaterali Consilio invenitur (c) super interpretatione Pragmaticæ IX. , atque XII. sub titulo *de emulibus* .

Cum igitur ita se res habeat , quis tam hebetis ingenii potest inveniri , qui de hoc misero adolescente protinus revocando fluctuet adhuc , atque hæreat ? Non immerito igitur

[a] *L. Sciant cuncti ult. C. de probat. Probationem autem faciunt apertissima rerum argumenta L. 3. §. 4. ff. de suspect. tut. , evidentia L. 34. C. ad L. Jul. de adult. evidentissima , & manifesta probationes L. 34. §. 3. ff. de legatis 1. , L. 14. in fin. C. de contrahenda stipulatione . Vide Dyonis. Gothof. ad dictum L. Sciens cuncti .*

[b] *Pragm. 37. de offic. mag. iustit. , ubi Rovit. num. 143. , Cypc. lat. decis. 161. num. 13. , & cons. 136. aliique .*

(c) *Luc. ad de Franch. decis. 688. num. 9.*

igitur ipsius conjuncti sperant, Magnæ Curiz Tribunal, perspecta jam ipsius innocentia, justam, meritamque absolutionis sententiam esse prolaturum.

**T**ertia Nullitas ex qualitate prætenſi criminis dependet. Longe abeant sane ab hac insigni, & ab alia omni quacumque bene constituta Civitate illa cuncta Stoi-  
corum somnia, atque delirationes, qui oscitanter potius, ut credendum, docebant omnia delicta inter se esse paria; ac proinde idem esse, si alicujus libido in ignota virgine, cum qua stuprum non committitur, (a) lapsa sit, ac si petulans in aliqua nobili virgine irrepserit, nihilque penitus interesse patrem quis enecet, an servum. Quæ quidem, mirabile est sane, dictu, qua animi constantia fuerint olim a sapientissimis Philosophis disputata; & Socratem ipsum, omnium sapientissimum ex Oraculi auctoritate habitum, hujusmodi nugas, futesque ineptias docere nil pudit. Et sane non aliunde istiusmodi fabellarum inanitas tam perspicue, atque luculenter redargui potest, nisi ex tertio Marci Tullii Paradoxo, in quo, quæcumque fuerit eximia illius hominis facultas, ad illas tamen suadendas minime valuit. Ipse sibi effingit, nihil penitus tantum ad deterrendos a criminibus hominum animos prodesse, quam si senserint nullum in delictis esse discrimen. Quo equidem casu quonam relinquetur distributiva illa justitia in bene constituta Republica tam necessaria, quæ in tribuendis bonis, vel malis proportionem ubique, quæ dicitur geometrica (b), observare omnino debet? Longe equidem melius cecinit olim (c) lepidus ille Venusinus ho-

(a) *L. 3. D. de Concub.*

(b) *Geometrica proportio est, cum gradus, sexus, & conditio hominum perspicitur, & cui plus debetur, plus arbitrio judicis tribuatur. Vid. Arist. Eth. ad Nicom. V. 2.*

(c) *Nec vincet ratio hoc, tantundem ut peccet, idemque  
Qui teneros caules alieni infregeris horti,  
Es qui nocturnus divum sacra legeris. Adſit  
Regula: peccatis, quæ panas irroget aquas,  
Ne sententia dignum, horribili scilicet flagello.*

*Horat. ſerm. 1. 3.*



## ( XXXIII )

homuncio, & satis mirum quam rectius, atque prudentius Epicureus ille vates, & parvus Deorum cultor Socrate ipso, cunctisque stoicæ Philosophiæ sectatoribus disputaverit. Quid enim absurdius potest unquam excogitari, quam idem esse crimen, si privato, ac si Magistratui quis manus inferat; eandemque esse petulantiam, si cum prostituta muliercula, ac si cum ingenuo puero libidinem expleverit? Et porro non temere quondam Poetæ fictis fabulis docuerunt, cœlicolam illam, tantamque Astræam æquam usque lancem manibus gerentem, præmia, poenasque ubicumque merentibus metiri; cunctis scilicet sub hujusmodi figmentis ostendentes, quam necessario debeant in pœnis, præmiisque infligendis criminum, vel meritorum gradus, ac circumstantiæ præ oculis haberi.

**Q**Uapropter non criminum tantum, sed & personarum, atque circumstantiarum habenda ratio: nec etenim eadem sumitur poena ab eo, quem cognatio, ætas, officium, dignitas a flagitio revocare debuisset, quam ab estraneo, adolescente, stupido, nulloque speciali vinculo adstricto. Ita si personæ in dignitate constitutæ, vel ipsi Magistratui illata fuerit injuria, quis dubitabit, eandem severius vindicandam, quam si quis vulgaris, ignotusque proletarius contumeliose habitus sit? Quin imo si crimen est privati reslucrificandi animo contrectare, quanto magis peculatum admittere, vel sacrilegio sese polluere? Denique acrius puniri (\*) jura sanxerunt militis desertionem, si ex statione se proripuit, quam si ex hibernis aufugerit castris. Itaque, ne in singulis numerandis poenarum rationibus tempus hîc proteratur, nullus tam efferus, atque barbarus invenietur unquam populus, qui religiosissima propemodum observantia proportionem hanc in pœnis infligendis non probet. In quo equidem longe melius, quam alii excelluerunt Romani; cum etenim superbus ille populus sibi Justitiam, tanquam peculiarem virtutem adrogaret, cumque nemo alicui justus unquam possit

[\*] L. 2. §. 5. D. de re mil.

- possit videri, nisi & poenarum, & præmiorum gradus in Reipublicæ gubernaculo metiatur, nil mirum, si tam religioso, atque observanti cultu in cunctis adimplendis justitiæ muneribus cæteris quibuscumque populis præstare conati sunt.

Ex quo fit, quod in fragmentis illorum Jurisprudentiæ, quæ posteritati remanserunt, Romani Jurisconsulti ubique tam frequenter commemorant, *ne quid aut durius, aut remissius constituatur, quam causa deposcit* (a), ita ut in utroque modo rationem non excedas (b); sed pro qualitate personæ, proque rei conditione, & temporis, & ætatis, & sexus, vel severius, vel clementius statuendum (c): peccata igitur suas reneant auctores, nec ulterius progrediatur metus, quam inveniatur delictum (d); & alia innumerabilia hujuscemodi monita, quæ ubique juris Codices pervolventibus obviam præferunt (e).

Ante omnia igitur Judici in poenis infligendis criminis ratio, atque circumstantiæ sunt perquam diligenter perspiciendæ, videndumque inscitia, impetu, aut casu, vel potius proposito, atque dolo admissum sit. Quæ omnia hic breviter de prætenso D. Marci Antonii *Andreæ* crimine [ licet fictitium totum esse satis sit demonstratum ] perpendenda se præbent. In primis igitur videndum, an obtentum falsitatis facinus in se tale sit, ut etiã si vera fuisset criminatio, recte possit illius auctor statutoria falsitatis poena puniri.

Undique omnes conveniunt Jurisconsulti, & Interpretes, quod tria præcipue requiruntur, ut vere falsitatis crimen admissum fuisse dicatur; veri scilicet immutatio, damnum alterius, atque dolus. Nam sine veri immutatione, falsitas

(a) *L. perspicendum* 11. *D. de pan.*

(b) *L. hodie* 13. *cod.*

(c) *L. Sacrilegii* 6. *D. ad l. Jul. pecul.*

(d) *L. Sancimus* C. *de pyn.*

(e) *L. 16. D. de pan., l. 1. D. de jur. patron., l. 3. C. de Epif. Audit. l. servos* C. *ad leg. Jul. de vi pub. &c.*

## ( XXXV )

fitas nunquam procedit, si absit dolus, crimen utique dici nequit, sin autem alterius damnum non sequatur, plesti equidem non potest. His positis fingatur paulisper (sed absque ullo præjudicio causæ veritati inferendo), ita, ut Regius Fiscus obtendit se rem habere, ut scilicet videatur, an prædictæ falsitatis qualitates in fista criminatione inveniuntur. Quo ad primam attinet, improprie veri immutationem (etiam ut Fiscus obtendit) in insimulato facinore adfuisse dicitur; non etenim fuit argentaria syngrapha unquam corrupta, nec ullo modo quantitas debitæ pecuniæ immutata; sed tantum (ut prætenditur) alterius character fuit imitatus: subscriptio nempe cujusdam amici, qui erat ei cunctis familiaritatis vinculis adstrictus, cuncta insimulatur ab imperito, atque infcio adolescente; qui id sibi licitum forsitan existimans, innocenter, atque bona fide id forte peregit, ut cum animo protinus restituendi, sodalis sui pecunia brevi propemodum tempore uteretur. Et porro quid sæpius, aut frequentius accidere solet, quam ut amici amicorum opibus propriis occurrant necessitatibus, dummodo id sine alienarum fortunarum jactura eveniat? Improprie igitur veri immutatio in obtento falsitatis crimine dicitur adfuisse; sed etiam si aliqua materialis adfuerit in facto (quod Fiscus prætendit) veri immutatio, damnum equidem alterius ex ea nunquam dici potest, fuisse securum.

Satis abunde alibi jam dictum est, quomodo D. Marci Antonii *Andreaci* pater & patruus se gesserint, intellecto jam hujus facti incerto quolibet rumore; protinus etenim illi, infcio adhuc hoc misero, & innoxio adolescente, pecuniam omnem, quæ deperdita existimabatur, D. Matthæo la *Fragola* ex suis opibus persolvendam autumaverunt; ne scilicet falsus ille rumor, qui jam satis adoleverat, ex conquerentium lacrymis glisceretur. En igitur, quod ex tribus jam enunciatis conditionibus, quæ ad constituendum falsitatis crimen requiruntur, duas potissimum jam in hoc prætenso facinore lon-

longe abesse satis perspicuum est. Videndum nunc, an adsit fortasse tertia, dolus scilicet, qui debet, ut generalis distinguendorum criminum norma existimari, ac proinde constituto hic, an dolus adfuerit, tota hæc potissimum quaestio absoluta est habenda; generaliter etenim receptum est, quod ubi non est dolus, ibi nec crimen esse potest.

Perpendendum est igitur hoc loci factum, quod ab ipso Fisco D. Marco Antonio *Andreaci* obtenditur. Insimulatur iste, nomen D. Matthæi la *Fragola* in argentariis syngraphis effinxisse, ut postea hoc modo commutatis syngraphis, illius pecuniam in suos usus erogare potuisset. Quamobrem prætendit Fiscus, hunc se contulisse ad quendam Josephum *Caleca*, ut sibi ab hoc pecunia numeraretur. Nusquam ipse cognitus huic Josepho *Caleca* fuerat, sed his non obstantibus, ut dicitur, ipse D. Marcus Antonius *Andreaci* suum proprium nomen in syngraphis conscripsit, ibi Josepho *Caleca*, ejusque filia præsentibus. His positis, ex duobus alterum est nunc omnino credendum; aut enim aliquis alius deperditas ab *Andreaci* syngraphas invenit, subscripsit, & hujus nomine est usus, ut jam supra abunde dictum est, aut si forte ipse id fecerit, equidem sine animo fraudandi, & omnino sine dolo id peregit; nam si pecuniam subripere constituisset, suum equidem nomen in syngraphis non subscripsisset, atque ita illarum syngrapharum corruptor adhuc in obscuro esset. Ficto igitur nomine etiam idem assecutus fuisset propositum, suumque characterem deformando, facile omni quacumque suspitione vacuus fuisset. Sed omnes enunciatae cautiones omnino ab hoc fuerunt neglectæ: igitur absque dubitationis alea est concludendum, quod scilicet D. Marcus Antonius *Andreaci*, etiamsi id, quod Regius Fiscus obtendit, peregisset, nullo propemodum dolo, sed inscianter potius, atque bona fide peregerit. Non etenim hic subdolorum deceptorum mos, atque usus. Non hæc fraudem meditantium securitas, atque

con-

## ( XXXVII )

constantia. Quin imo stolidus procul dubio, atque mentecaptus hic foret habendus, si sua sponte semetipsum tam crassa stupiditate prodidisset, proprium scilicet nomen professus, cum nusquam aliter ne suspicari quidem potuisset, quisnam illarum syngropharum corruptor, atque commutator extiterit. Atqui tanta omnino stupiditas in homine facile credenda utique non est: & demum si quis forte id sibi factu possibile effinxerit, hic equidem miseratione magis, quam ulla pœna dignus existimabitur, cum ipsum fati infelicitas a crimine propemodum excuset (a).

Cum autem longe lateque a prætenso facinore, etiam ut Regius Fiscus contendit, dolum abesse pateat, cur diutius hic miserrimus adolescens in hoc contumaciali iudicio tanto cum ipsius discrimine vexatur? Et cum veri immutatio in facto, quod Fiscus obtendit, vix adfuisse dici possit, damnum autem alterius nusquam sit secutum, cur tam semotis suspicionibus istius innocentia amplius proteretur?

**S**ed illud nunc videre est, an scilicet ex statutaris hujus Regni sanctionibus, atque ex inveterata summorum Tribunalium Praxi, atque more, pœna mortis sit intelligenda hujusmodi aphocarum corruptoribus, & per consequens an possint, cum absentes sint, *forjudicari*.

Nulli equidem dubium esse potest, quin severiores, atque atrociore, quæ habentur in hoc Regno sanctiones, illæ sint, quæ ad tuendam, defendendamque Argentariarum Mensarum, seu ut vulgo *Bancorum* securitatem, & fidem sunt constitutæ. Et porro id evenit ob maximas, atque innumerabiles fraudes, subdolasque calliditates, quæ admittebantur quotidie in barbaro illo incultoque ævo, quo Majores vixerunt, ut ex ipsis Pragmaticarum Proæmiis dilucide perspicitur. Nam in Pragmatica V. sub tit. de falsis sic legitur. *Perchè è tanto frequentato il delitto*

D

di

(a) L. 12. Dig. ad Leg. Corn. de Sicar.

di quelli, che senza timor di Dio N. S., e della giustizia, con polise false vanno nelli Banchi, rubbando li denari alli Banchi predetti. Et in Pragmatica VIII. sub eodem titulo. L'anni passati per la frequenza delle polise false, che si presentavano nelli publici Banchi. Ideo igitur non immerito nimium gliscente hominum audacia, atque malitia, hujusmodi criminum pœnas in illis barbaris temporibus exacerbari opus fuit, juxta Jurisconsulti monitum (a): ac propterea in omnibus, quæ extant Pragmaticis sanctionibus indistincte invenitur pœna mortis contra aphocarum corruptores constituta, ut ex dicta Pragmatica V., VIII., IX., X., & XIII. sub titulo de falsis perspicitur. Quæ tamen non utique semper usitatæ, sed cum temporum, atque reorum circumstantiis accomodatæ inveniuntur. Testis est laudatissimus Regens Sanfelicius in decisione 59., quæ fuit promulgata anno 1619. in causa cujusdam Andreæ Calandrella. Hic argentariam apocham corrupisse convictus fuerat, & pro nomine, quod ibi erat obsignatum, suum proprium conscripserat. De eodem sic scribit præfatus Sanfelicius. Nulli dubium est, quod falsi pœna coercetur, cum concurrat fraus, & alterius præjudicium. Fuit tamen sub die Augusti 1619. per. M. C. pro mutatione nominis in exilium missus per triennium extra Provinciam; licet Fisci Patronus acriter institisset pro pœna remigationis. Ex quo colligitur, quod mutatio nominis, etiam dolo, ac fraude peracta in alterius damnum; nonnisi exulari pœna est plectenda. Quæ quidem decisio ex frequenti ejusdem Tribunalis approbatione fuit confirmata, & iunc præcipue, cum ex hujusmodi falsitatibus, aut nullius damnum, aut tantummodo alicujus privati præjudicium fuerit secutum, nam (ut a doctissimis viris fuit olim observatum), cum tantum ad Bancorum (ut vulgo) se-

cu-

(a) Nonnunquam evenit, ut aliquorum malefactorum supplicia exacerbantur, quoties nimirum multis personis grassantibus, exemplo opus sit. Claudius Saturninus in l. 16. §. ult. de pan.

## ( XXXIX )

ritatem fuerint hæc severissima statuta promulgata, cum solum ad statutariam penam est deveniendum, cum eorumdem *Bancorum* damnum fuerit secutum. Quod etiam communis Juris dispositionibus quodammodo convenire videtur. Cum etenim arces illæ, in quibus publica pecunia servatur, quæ vulgo vocantur *Banchi*, ad instar Templorum sint habendæ, quis dubitabit sacrilegii, atque peculatus pena eorum audaciam plestendam, qui exta relligiosis, sanctisque locis publicam pecuniam subripere ausi sint? Quod equidem non accidit, cum tantum aut nullius, aut solummodo privati alicujus damnum sequatur: hoc etenim casu remota omni peculatus, atque sacrilegii qualitate, nonnisi furti tenetur is, qui alterius pecuniam dolose, ac fraudolenter contrectavit.

Hanc igitur ob causam perraro satis in istiusmodi facinoribus statutaria mortis pena videtur executæ; nam præterquamquod in hac tam exulta ætate, omnia quæcumque alia adoleverint crimina, præter illa, quæ infamiam inurunt, ita ut exolescente barbarie, famosa facinora ut plurimum in defuetudinem abjecerunt, atque ob id cessante severissimi statuti causa, nempe nimia horum criminum frequentia, eodem tempore ejusdem statuti asperitatem cessare est necesse; id quoque huc accedit, ut supra est memoratum, quod cum nullius, aut tantummodo privati alicujus damnum sit secutum, non debet ad sanguinem usque statutaria pena exasperari.

His igitur præmissis, facile nunc erit factum, de quo D. Marcus Antonius *Andreæ* insimularur, ad legis sensum aptare. Satis abunde dictum est jam supra, atque dilucidis sane argumentis probatum, quod in facto, quod obtenditur, etiam si sic se habuerit, ut Regius Fiscus contendit, dolus quippe nequaquam prospicitur. Præterea non solum nullius argentariæ Mensæ ( seu ut vulgo *Banchi* ) damnum fuit secutum, sed ne privato cuiquam præjudicium illatum. Ex quibus consequitur, quod cum ad securitatem *Bancorum* tuendam, ut etiam memoratum,

## ( XL )

atque ad hominum malitiam coercendam, quæ nimis in illa ætate inoleverat, statutoria mortis pœna fuerit sancita, longe nimis abest, ut illam D. Marcus Antonius *Andresaci* (etiãmsi verum fuerit, quod a Regio Fisco obtenditur, quod utique non est) sibi quodammodo minitandam, aut saltem pertimescendam existimet.

Hæc autem omnia ad hujus miserrimi adolescentis defensionem numeris omnibus explendam dicta sint. Ceterum maxima illius defensio non ex qualitate prætensi criminis est ducenda; perspicue etenim nimis ipsius innocentia ex defectu quarumcumque probationum adparet. Et quippe, qua potest animi constantia hominis vita in discrimen adduci, cum non solum facinoris auctor lateat, & huc usque in abscondito satis sit, sed nequidem de prætensio crimine adhuc constet? Quamobrem priora harum nullitatum capita sunt sapientissimis Judicibus perquam attente perpendenda, ex quibus scilicet infelicitis D. Marci Antonii *Andresaci* innocentia satis luculenter clarescit.

**Q**uartæ Nullitas ex ætate hujus criminati Adolescentis locum sibi vindicat. Etiamsi in hoc judicio, vel propter testium infensitatem, vel propter istius calamitatem omnes quæcumque desiderari possunt, adessent probationes; itaut istius innocentia tandem oppressa, fati inclementiæ succumbere cogeretur, & ipse prætensi criminis auctor omnino quoquo versus adpareret; nec equidem idcirco eadem illa pœna, quam alius hoc casu meruisset, plectendus unquam foret. Hic etenim, cum obtentum facinus admisisset, prætenditur, vix quartum tunc lustrum excesserat; itaut, quamvis major jam ex Municipali jure haberetur, minor equidem de jure communis tunc erat. Ex quo consequitur, quod cum & sexus, & ætatis, & conditionis habendam esse rationem (\*) Jurisconsulti docuerint, procul dubio hanc ob causam esset etiam istius pœna lenienda. Ac proinde, cum nullo modo

[\*] L. Sacrilegii 6. D. ad l. Jul. pœsul.



## ( XLI )

do in hoc judicio ordinariæ statuti poenæ locus esse possit, nec etiam idcirco D. Marcus Antonius *Andronici* rectè potest *forjudicari*. Nec illud obstat, quod scilicet ad ordinariam poenam sustinendam sufficiat, quod Reus major sit de jure municipali, idest XVIII. exceßerit annum; nam quamvis nihil impediatur, quominus ( si tale crimen sit, ut ultimi poenam mereatur supplicii ) hic rectè possit gladio puniri; attamen Imperator Federicus equidem non potuit in Constitutione illa (a), in qua XVIII. annum minoritatis extremum esse sancivit, illud efficere, ut scilicet major de jure Regni plenum, integrumque haberet iudicium, nullisque suppositum captionibus, ita nullam iudicis mereretur æquitatem; semper etenim fuit eadem ætatis hujus fragilitas, atque nihil usquam æquius, quam ut hujusmodi Adolescentes ex Latoris (b) Legis beneficio erroris veniam impetrarent. Imò ex ejusdem Constitutionis verbis adparet, quod nunquam Federicus Imperator omnino hanc ætatis veniam denegare autumavit dum ait, *quatenus miseria ætatis iudicem moverit*.

Illud igitur pro certo nunc habendum, quod quamvis ex hujus Regni municipali jure minoritatis privilegia sint restricta ad annum XVIII., attamen si quis lubricis adolescentis ætatis consilio aliquid deliquerit, cum eo mitius absque dubio est agendum. Julius Paulus consultus de poena, qua Adolescentes essent mulcandi, generaliter respondit, quod: *Fere in omnibus poenalibus iudiciis, & atasi & imprudentia succurritur* (c). Quod Interpretes continent etiam procedere debere, quamvis non fuerit petiturum, nam Iudex hoc casu tenetur per se minuere poenam; cum ista sit causa intrinseca, quæ delictum minuit.

Et porro nemini dubium esse potest, quin ætas juvenilis ex

iis.

[a] *Constitut. Minorum jura sub tit. de restitutione minorum.*

[b] *Lex Latoria primum apud Romanos minoritatis annos finivit Placet Pfend. Aff. 1. Sc. 3. v. 68., ideoque dicta quinquagennaria, seu potest ex 1. 2. G. Theod. de donat.*

[c] *L. 108. D. de R. J.*



iis potissimum sit, quæ ad delinquendum maxime homines irritant, ideoque, ut gravissimus quidam Auctor (a) observat, multi fuerunt, qui in prima ætate turpes, & omni judicio damnati, postmodum tamen laudabiles extiterunt, quod utique non fieret, ut idem subdit, si omne peccatum vindicta sequeretur. Quam equidem sententiam fusius, atque ornatius suo more jampridem expresserat Marcus Tullius in Oratione, quam pro M. Cælio recitavit, in qua paulo liberius, quam Consularem virum decessit, fuit illam profecutus.

Cum igitur satis sit exploratum, quod maxima sint in adolescentia vitiorum blandimenta, ita ut vix prudentissimi cujusque virtus ex illorum laqueis effugere quotidie valeat, inde equidem promanat, quod si quis forte adolescens liberius aliquantulum vixerit, cupiditatibus paruerit, atque peccatum aliquod, lubrico ætatis consilio suadente admisit, id potius ætatis vitio, quam illius malitiæ atque improbitati esttribuendum. Quæ cum ita sint, illud equidem Judici est omnino cavendum, ne communia ætatis, atque naturæ vitia potius, quam hominum scelera plectenda arbitrentur.

Sed & his tam dulcibus naturæ illecebris, quibus quotidie adolescentia ut plurimum agitur, magna quædam accedit in illa ætate animi imbecillitas, atque consilii infirmitas, itaut iis non admodum plenum rationis judicium adsistat, ut Aristoteles (b) observavit, & sicuti Ulpianus docuit (c), dum ait *fragile, & infirmum esse hujus ætatis consilium*. Ex quo fit, quod juvenes naturæ viribus impares plerumque habeantur: nec mirum; quo etenim major est aggressi imbecillitas, eo adgressoris victoria certior evadit. Hanc igitur ob causam Plato legum consultissimus fandiendum autumavit (d), quod si quis, vel

ob

[a] *Laſtant. lib. 1. de ira Dei cap. 22.*

[b] *Aristot. Polit. 1. cap. ult.*

[c] *L. 1. D. de minor.*

[d] *Plat. lib. 9. de legib.*

## ( XLIII )

ob infaniam, vel propter senium, aut florecentem ætatem quid admiserit, damnum quod intulit restituere teneretur, & omnis eidem pœna remittatur.

Potissima autem ratio, propter quam pœna Adolescentibus, si quid admiserint, est prorsus lenienda, illa quippe est, quia semper eos spes melioris frugis comitatur, ad quam temporis lapsu se recipere ut plurimum solent, iram ætatis vitia magnis postea virtutibus solent obtegere, & transacta vitæ piacula una cum adolescentia plerumque deponunt. Magna quidem, & mirabilia hujusmodi exempla in hac ætate conspiciuntur, quæ quidem reticere satius est; ne clarissimorum hominum memoria quodammodo obumbretur: & si vetera historiarum monumenta pervolvantur, illico proculdubio adparebit, nil frequentius equidem accidisse, quam ut plurimi post nefandam, profligatamque adolescentiam, optimi tandem, atque honesti homines extiterint. Quin imo ut plurimum clarissimi, atque illustriores viri turpem, perditamque juventutem duxerunt, ut de L. Sulla fertur, qui ita priorem ætatem libidine, vino, atque amoribus inquinatam perduxit, ut cum deinde quæstor C. Mario Consuli daretur, iste querebatur, quod sibi tam periculosum bellum in Africa gerenti, tam delicatus quæstor obvenisset. Et tamen iste idem L. Sulla Maximus postea, atque illustris Romanæ Reipublicæ Imperator evasit, & Jugurthæ manibus catenas injecit. Innumerabilia hujusmodi exempla hic adjici possent, quæ nunc brevitatis gratia relinquuntur, eo magis quia veteres plerumque historiz iis referre habentur.

Cum igitur ubique experientia cunctos doceat, adolescentiæ lapsus flexu ætatis plerumque emendari, & cum potissimum pœnarum finis sit peccantium emendatio, consequitur, ut cessante causâ, quia scilicet absque pœna sint juvenes se correcturi, debet ideo quoque cessare pœna, aut saltem mitigari.

Quæ omnia summopere locum sibi vindicare æquum est  
in

in illis delictis, quæ magis ab imperitia, atque facilitate, quam ex morum pravitate dependent; si etenim aliquando ignorantia est in aliquo præsumenda, illa in adolescentibus quasi certa est existimanda, utpote qui impetu magis, quam ullo rationis adhibito consilio ut plurimum agere solent. Quod quidem in facto, quod D. Marco Antonio *Andreaci* a Regio Fisco obrenditur, evenisse prospicitur; nam etiam si verum foret (quod utique non est), sine ulla hæsitazione syngrapharum commutatio nullo dolo, sed potius ex ætatis imperitia videtur confecta. Et sane quisnam prudens, atque consilii potens (si vera foret ejus subscriptio) proprium in illis syngraphis inscripserit nomen, atque ita proprium crimen prodidisset, cum aliter hoc factum adhuc in obscuro esse debuisset? Nonne hæc omnia, si ab ipso fuissent peracta, satis abundeque juvenilis consilii infirmitatem demonstrant?

Ex his igitur omnibus concludendum, quod, cum florescentis ætatis lapsus potius miseratione quam pœna digni videantur, & propter peculiare illius ætatis vitiorum irritamentum, atque ob consilii infirmitatem, & demum propter spem melioris frugis, ut supra jam abunde dictum est, Judices omnino, cum de ipsorum peccatis debent recognoscere, memores illius C. Cæsaris dicti esse debent cum Ptolomeo Ægyptiorum Regi Magni Pompei interfectori pepercit, scilicet *...Sed parcimus annis, donamusque nefas* (a).

Et hæc sint satis ad innocentiam purgandam. Reliqua circa Judicii ordinem, atque praxis observantiam versabuntur; ex quibus non mediocris persæpe oritur criminatum defensio, atque salus: ordo etenim judiciorum cum penitus super statutariis legibus nitatur, consequitur, quod si in aliqua sui parte negligatur, tota illico Judicii moles prolabitur, ac proinde Reus, etiamsi cōvictus adparuerit, non potest amplius, nisi novo constructo judicio condemnari.

Quin-

(a) *Lucan. lib. 9. Pharsal.*

## ( XLV )

**Q**uinta Nullitas ex municipalibus hujus Regni Statutis habetur; ex quibus scilicet fuit cautum, ut in citationibus, quæ in partibus per nuncios exsolvuntur, duo saltem testes præsto sint. (a) Quod tamen ita est intelligendum, ut in quolibet citationis actu diversi semper testes adhibeantur ex ea potissimum ratione ut omnis falsitatis suspicio longe omnino absit. Nam si altius hujus statuti ratio perscrutetur, illico sane adparebit, non abs re id fuisse præscriptum: nempe, cum non aliter in hujusmodi citationibus veritas arguatur, nisi ex nunciorum attestationibus, facile poterit evenire, ut ipsi, aut dolose, aut per oscitantiam citationes explere negligant: facile etenim nunciis redditur duos testes sibi ad pejerandum additos retinere, eosque singulis citationis actibus adhibere. Quo quidem casu, quomodo amplius possent veritatis vestigia prospici, & absentis jura per conjunctos, aut amicos opportuna defensione patescere?

Et id nimirum in citationibus contra absentem D. Marcum Antonium *Andreaci* expeditis accidit. In citatione etenim *ad informandum*, quæ fuit peracta sub die 13. mensis Januarii elapsi anni 1762. fuerunt ut testes designati Johannes *Sciarappa*, & Januarius *Gallo*; & inde ipsimet fuerunt testes adhibiti in citatione *ad capitula*. Præterea in citationibus *ad forjudicandum* Roccus *Gaufetta* & Potitus *Palazzo* fuerunt testes tam in citatione domi, aliisque familiarum gentibus, quam in reliquis, quæ pro conjunctis, vicinisque fuerunt expletæ, cum econtra diversi, ut dictum est, testes pro qualibet citatione fuissent designandi. (b) Ex his igitur, quæ supra sunt allata, evidenter hæc nullitas ortum ducit, ex defectu nempe non adimpletæ legalis solemnitatis.

**S**exta Nullitas. Praxis generalis, & constans M. C. V., & communis Doctorum opinio adfert, quod cum citationes

E

contra

[a] Prag. 2. de cit. Prag. 2. de ord. judic. Constit. citationis literæ.

[b] Ioh. Logan. ad Rovit. in Prag. 2. de citat., allegationem incerti Auctoris suis scriptis inferens.

contra absentem peraguntur, omnino solemne exigere debeat jusjurandum a conjunctis, & affinis cunctis, ut quam primum possint inquisito nuncient ambas contra ipsum citationes expeditas (a).

Quod quidem sapienter nimis fuit introductum. Jura nimirum, quæ longe hoc contumaciale contra absentem judicium abhorrent, cautum voluerunt, ut omnia adhiberentur consilia, ne scilicet quidquam inficio reo in judicio perageretur. Hæc prorsus nimis necessaria solemnitas in *Andreaci* citationibus fuit omnino neglecta: nullum a conjunctis jusjurandum exactum, & nulla fuit unquam cura adhibita, ut ille infelix quidnam contra ipsum perageretur, notum haberet. Ex hac igitur nullitate maximum procul dubio ipsimet gignetur adjumentum.

**S**eptima Nullitas. In omnibus fere citationibus, quæ fuerunt contra *Andreaci* expeditæ, tam *ad informandum*, & *ad Capitula*, quam *ad forjudicandum* fuit appositum: *prima die juridica personaliter compareas*. Jam cuique notum erat, prædictum *Andreaci* civem esse *Asculanum*; idque ex ipsis *Fisci* actis per quam dilucide colligebatur. Debuerat idcirco in iisdem competens quoddam temporis spatium ad comparandum tribui, ut postea hoc transacto jure contumax esset habendus; non autem tam festinanter primum juris designare diem, qui forsitan immediate post diem citationis succedere, aut alium sequentem, potuerat, ita ut nullum omnino spatium citato absenti ut judicio sisteret tribueretur. Sicuti revera in hoc præsentis casu evenit: nam citatio *ad informandum* & *ad Capitula* fuit expedita die 13. mensis Januarii, & in eadem, ut in reliquis, appositum fuit: *prima die juridica personaliter compareas*: quæ prima dies fuit decimaquinta ejusdem mensis. Quomodo igitur D. Marcus Antonius *Andreaci*, qui in *Asculana* Civitate permanere credebatur, illico poterat in

[a] *Follet. prax. crim. rubr. fiat relatio nuncii num. 8. Gramm. conf. 1. n. 2. Scial. de forjud. cap. 16. num. 13.*, aliique quamplurimi ex clara dispositione prædictæ *Constit. citationis* literæ.

## ( XLVII )

in tam brevi temporis spatio se in hanc Urbem conferre? Longinquitas etenim locorum semper est præ oculis habenda; nec unquam judiciarius contumacialis cursus sic erit præcipitandum, ut reo penitus lateat quidquid contra ipsum agatur. Quippe in hujusmodi citationibus juxta communem Fori praxim, tunc prima juris dies ad comparandum præfinitur, quoties citandus in eadem, in qua Magistratus residet, permaneat Civitate.

**O**ctava Nullitas. Prima die mensis Februarii prædictus *Andreaci* contumax fuit declaratus, eodemque die terminus unius mensis ad denunciandum fuit a M. C. tributus, quamvis eidem M. Curie fuisset expositum in supplicii libello, quod ipse D. Marcus Antonius Venetis forte, quibusdam domesticis negotiis impeditus, detineretur; cum econtra duorum saltem mensium spatium fuisset a M.C. tribuendum, ut posset scilicet ipse certior fieri, & sese itineri præparare, quod peculiariter ab Imperatore Frederico fuit constitutum, nempe quod citatis extra Regnum manentibus terminus duorum mensium esset tribuendus, infra quem comparere teneantur (a). Idem etiam ex communi Doctorum calculo fuit comprobatum (b) necessarium nimis, quod in hujusmodi judiciis constanter usque observetur; ne scilicet absens, ut contumax illico condemnatur, utpote qui aut penitus quidquid contra ipsum agitur ignorat, aut temporis angustiiis circumscriptus ad tam festinatam reversionem se disponere nequit.

**N**ona Nullitas ex eodem fere principio ortum ducit. Postquam executæ fuit citatio ad forjudicandum, atque contumaciæ inculatæ, alius exinde terminus ad denunciandum fuit postulatæ, ut præfatus *Andreaci* certior fieri posset, qui non amplius Venetiis degebat, sed ad Viennensem Urbem se contulerat. M.C. vero tam justæ peti-

[a] In *Constit. Regni Edict. de lit. citat.*

[b] *Andreas de Isernia super citat. Constit. Bojardus ad Clarum conf. 99. num. 293. Farinae. quest. 49. num. 293. Viv. decis. 361. num. 2. Idem decis. 41. num. 16. Poëlic. de potest. Reg. Aud. cap. 47. num. 17.*

( XLVIII )

petitioni deferre noluit, quamvis alium ad denunciandum terminum, etiam attenta prioris termini brevitate, omnino concedere debuisset.

**D**ecima Nullitas. In omnibus contumacialibus judiciis cuncti prætensi rei affines, & consanguinei ad quartum usque gradum sunt citandi, ut scilicet exceptiones, atque defensiones pro absente proponant, immo non solum conjuncti, verum etiam sodales, atque vicini, & si forte alii sunt, quos verisimile est defensionem non omisuros (a), ut lex ipsa loquitur. Quod utique in hoc contumaciali judicio non fuit executum; quamplures etenim *Andreaci* conjuncti, qui in diversis Apuliz Civitatibus degebant non fuerunt de ulla contra hunc absentem citatione certiores facti, ut ex nonnullis Appularum Civitatum testimoniis colligitur.

En tandem hoc defensionis, atque excusationis opus pro absente infelicissimo juvene ad suum jam finem perductum; neutiquam vero absolutum, atque perfectum: nonnulla etenim alia argumenta, & rationes, quæ hic ad calcem addi potuissent, tamquam supervacua, & prorsus inutilia sunt habita, maxima quidem Judicantium sapientia, & æquitate perspecta, qui procul dubio, postquam hujus causæ iustitiam cognoverint, hunc misererrimum adolefcentem sibi, Patrizque, & Patri amantissimo restituent.

Neap. III. Id. Jun. MDCCLXIII.

*Franciscus Maria Pirellius*  
*Causæ Patronus.*

(a) *L. hæc autem §. 1. ff. quib. ex caus. in posses. eat. Rouit. de forjud. sent. tom. 3. Tapp. decis. 50. num. 22., Cypc. Lat. decis. 74., Merlin. contrav. lib. 2. cap. 39. num. 19.*